

四庫全書

集部

欽定四庫全書

集部

文苑英華卷八百九十三  
一至三

詳校官庶<sub>臣</sub>辜龍廷槐

助教<sub>臣</sub>常循覆勘

總校官進士<sub>臣</sub>朱鈺

校對官助教<sub>臣</sub>羅萬選

謄錄監生<sub>臣</sub>毛杞

欽定四庫全書

文苑英華卷八百九十一

宋 李昉等 編

王爵二

撥川郡王碑一首 定襄王郭英乂碑一首

常山郡王田緒碑一首

撥川郡王神道碑

張說

珠玉無遠而登輦輅之餘寶也松栝無幽而入殿堂之  
構材也物貴其用人亦如之撥川王論弓仁者源出於

疋末城吐蕃贊普之王族也曾祖贊祖尊父陵代相蕃  
國號為東贊戎言謂宰曰論因而氏焉公有由余之深  
識日磾之先見陋偏荒之韋毳慕上國之衣冠聖歷二  
年以所統吐渾七千帳歸於我是歲吐蕃大下公勤兵  
境上縱諜招之其吐渾以論家世恩又曰仁人東矣從  
之者七千人朝家大勲授左玉鈐衛將軍封酒泉郡開  
國公食邑二千戶國集作周語曰犬戎樹敦國語作惇守終純  
固今其俗獷而輕死其法折而不撓故前代無降人中

國

集作土

無童僕自公之

集無之字

拔身向化首變華風澤潞

之間如

集作始

見我州矣若夫河南沙苑坳牧所利每歲

冰合敵騎是虞中軍必謀於元老亞將固選於時傑神

龍三年以為朔方軍前鋒遊奕使景雲

集作龍

二年換右

驍衛將軍開元五年兼歸德州都督使皆如故八年遷

本衛大將軍改朔方節度副大使公之理兵也堅三甲

集作革

利五刃偶拳勇齊足力信賞罰分甘苦六轡如手

千夫一心接種儉猶蚊蚋臥沙塞猶

集作如

衽席猶

疑作旂集

作居露食垂二十年雨畢而成師冰泮而休卒寒氣入於肌骨夜霜入於鬚鬢人不堪其勤公不改其節韓公之建三城也公洗兵諾真之水刷馬草心之山以為外斥而叛徒安堵鄭卿之和默歆也公授館李陵之臺致饗光祿之塞以為內侯而賓至如歸九姓之亂單于也公四月度磧過白檉林收火拔部帳納多真種落彌川蒲野懷惠忘亡漠南諸軍避其計也降戶之叛河曲也公千騎奮擊萬衆奔走戡剪畧定師旅方旋而延陁蹠

跌

唐書作  
跌跌

復相嘯聚上軍敗於青岡

岡字集  
作剛嶺

元帥沒於

赤柳澗公越自新堡奔命寇塲羸糧之徒不滿五百兇

醜四合衆寡萬倍公殺牛為壘噉敵為餉決命再宿衝

潰重固

集作  
圍

連兵躡踵千里轉戰全薛公

集作合  
薛訥

於河

外反知運於寇手朔方諸軍壯其戰矣研磨之奔也邀

于

集作  
於

黑山口覆其精銳布思

集作  
市思

之背也追至紅桃

帳掩其輜重乳洎之會剌蘭池之狂敵木盤之役闕方

渠之逋寇凡前後大戰數十小戰數百筭無遺策兵有

全聲

集作勝

是以六部迺適三垂又寧聲暴露於天下業

光華於世

集作代

載信皇威之所加亦武臣之力也故錦

衣寶玉允答戎功甲第良田丕承王命

集作丕承錫命

帝錫

二字

集作語

其智効累其

集作未甚

優寵黃頭黑齒比價齊名積戰

多瘡累勞生疹恩命尚藥馳往診之晉豎已深秦璧無

及十一年四月十五日

集作四月五日

薨于

集作於

位享年六十

有六

集無此二字

制贈為撥川王稱故國本其志也

集作志其本也

太常議謚曰忠由舊典昭其行也長子雲忠

二字集作盧

襲



官封繼事業次子舊久特拜郎將十二年四月詔葬於

京城之南懷遠人也太常鼓吹介士龍旂虎帳貂

集作  
纓

裘封聲殉馬吉凶之義舉飾終之物備長安令摠徒以

護事鴻臚卿士

集無  
士字

序賓以觀禮哀榮之道著

集作  
極字

矣

君臣之義厚矣有命國史立碑表墓吾嘗同寮敢陳

集作

昧遺烈銘曰○黃河接天青海殊壤舉世安裕

集作  
裕

拔俗

誰敢倬哉論侯利有攸往奮飛橫絕搏空直上以衆歎

塞因敵立勲吐渾

集作  
蕃

萬戶吟嘯成羣精感天地氣合

風雲既封酒泉乃為

集作位

將軍朔方陰塞直東

集作彼

獯

獫狁命先鋒闕為虓虎上北尸電

集作山北加電

漢南擊鼓數

年之間

集作十數年間

耀國威武我有師旅將軍鞠之我有邊

毗將軍育之柳澗亡師一劔復之蘭池叛國三戰覆之

武節方壯朝霧

集作露

不待王爵送終宿恩未改時來世

往

集作去

人亡物在

集作人如在

銘勲謚忠以告四海

故定襄王郭英乂神道碑

元載

維永泰元年十有二月甲子開府儀同三司尚書左

一作

右僕射兼御史大夫劔南節度度支營田觀察使成都尹定襄王薨於靈池兵故也夫懿文德者非謂禮君臣正上下其謂經綸大難乎鏖武功者非謂鞠師旅威中外其謂翼中興乎公名英又字元武贈伊州刺史盱公之烈祖也隴右節度攝御史中丞贈太子太傅知運公之皇考也產雲赤亭樹勲青海世傳良將載在國史公河岳之粹將相之器學劔輕短後縵纓讀書重金版玉匱天寶二載方筮仕棘門累授左武衛大將軍節度涼

國公見之曰代吾節制者必此子也其後十年累代涼  
公為節度矣祿山之亂中原也二聖偽遊三秦賊據汧  
岐重鎮非公不可制授公秦州都督兼御史中丞隴右  
採訪使未幾賊將高嵩長驅幽燕深入汧隴公外申郊  
勞內設庭宴饗未屬厭兵已合圍賊黨數千應時剪滅  
繇是虜鎬不鳴於隴外皇興始都於雍上至德二年詔  
公為鳳翔太守轉西平太守加隴右節度兼御史大夫  
吐蕃之逼西河也諸寇以堅甲乘城我以偏師遇敵勝

在於一作不戰利當用奇選驍騎以襲虛張疑兵以應銳

前衝未及於龍島後勁已覆於梟巢邊捷晝至敵圍夜

潰進封西河郡公思明之陷成周也南入陳蔡詔公兼

御史大夫統淮南節鉞東捍陝虢詔公兼陝州刺史主

關外旄

一作旌

麾寶應之歲上乘龍躍之運寵虎臣之績

進戶部尚書加開府儀同三司仍搃戎一作撫職朝義之

走河北也公雷電勇畧風搏勁騎驅熊虎

一作罷

之師開

龍蛇之陣一戰而殺水破再戰而邛山拔十年逋寇

一作

誅萬里如掃朝廷壯之詔領東京留守又兼河南尹俄拜尚書右僕射封定襄王加實封三百戶永泰元年兼集賢待制夏五月天子以劔門巨鎮推擇收難歷選朝廷惟公是授即日加成都尹東西兩川節度兼御史大夫僕射如故是時也入承日月之光出擁風雲之氣以孫吳為老生以韓彭為兒戲千里為之震動百蠻為之惴懼秋七月西蕃犯境公戎馬驟捷軍人擅還裨將懼誅乘間謀叛公擐甲擊鼓單車入深引西山之數騎望

東川之外救短兵未接追寇橫及雖刃以通中而氣猶  
激射疆吏乘遽聞乎京師上投袂而驚仍一作彌加悼惜

有以見聖主之深仁重武臣之壯節不問輿尸之過爰

旌折首之功以大厯三年正月二十七日詔葬于武功

之先塋夫人鄭國夫人龐氏禮歸敬仲誠及伯宗生則

六珈受寵歿則九原同祔嗣子將作少監嘉珍憤積嘗

膽哀纏泣血飾視蜀門歸魂秦隴一作甸力樹祁連之家

思崇峴上之碣以載職在史臣業專文律琢石旌美俾

奮大猷其辭曰○否邁天地運鍾雲雷暔暔定襄與時  
而來躬赴兵難志清國災推轂隴西士卒雲屯擁旄陝  
東羣寇雷奔五開幕府七鑿凶門以寡擊衆以亡易存  
六踐栢臺南憲是張再登八座右揆有光同盟錫土異  
姓封王勲崇業大位重名揚召對蓬萊作鎮梁益秋霜  
發令春雨流澤望在股肱變生肘腋南園既合短兵未  
進單騎驟奔群兇競振血殷朱輪首碎白刃魂歸萬里  
悲慟三軍踈松蔽日孤冢參雲身歿冤氣名高戰勲



常山郡王田緒神道碑

丘降

維天以五星辨經紀維人以五常垂教化奉天者皇王  
牧民者侯伯故五星失次舍而天綱乖五常悖倫理而  
人紀壞非夫人神厭禍天地合德俾降英傑以靜邦家  
則無以正綱紀成教化矣皇唐九葉今上馭歷之五載  
得佐命戡難之臣曰田公諱緒字某北平盧龍人也系  
自唐虞盛德載世祚于全齊醇仁酣和衰周鼎遷恭嬴  
壁返劉項角逐正者得之則齊王橫去國隕身與義終

始議郎疇立功逃賞興讓淳澆十數世家于北邊議郎  
即公之十五代祖也至皇鄭州別駕璟生公大王父安

東副都護贈戶部尚書有遮敵護塞之勲而生不登貴

位加之以齊王之秉節

一作義

議郎之遺榮滹源茂本故

尚書克生太尉承嗣歷檢校戶部尚書兼御史大夫魏

博貝相滄德州節度度支

一作支度

營田觀察處置等使尚

書左僕射司空同中書門下平章事兼魏州大都督府

長史封鴈門郡王歿贈太保累贈太傅復魏州大都督

公太傅第六子也乘博厚之慶得堅剛之氣君臣之大節理亂之形兆寔天賦不言而知侯王之姿見于童孺太傅朗識異而器焉以諸侯之嫡拜京兆府叅軍兼五領騎士深得將畧鳴弓上馬雄稜挺然無何太尉寢疾以或措置故事不歸於公聖朝載懷輯綏永顧勲績爰命從子俾侯于蕃既履四封乃遷六官

一有休字

付畀于天

威惠在已主恩寵章赫赫煌煌孝未昭而忠隳正不悟而邪及志惟悖德動則無名是以河朔塵飛隴右霧塞

青兗既叶幽冀未

一作不

同見多壘於魏郊發天兵於隴

坻曠日持久連年不平履危者若安處禍者皆樂焉然  
相視孰辨其非公斷天下之疑達天下之務以為君親  
可報也世德不可墜也犯是二者生將何為於是歛歔  
涕流冀其感寤靡有虛日而無正言及京師變生翠華  
順動人望愈惑堅不可離星<sup>疑</sup>辰之間戎帥薨謝師人  
將士退迫公理軍公清望威名衆所欣戴且曰吾先公  
太傅之冢子也仁而能斷嚴不至殘當去禍就福化危

使安敢以死請期乎息肩公雖懇辭人實誠奉於是三

軍之裨將

一作師

列城之守宰及士吏卒伍大和會于旌

門之外而聽命焉公乃陳其逆順曉其利病西嚮稽顙

如對天顏萬人歡呼式怍且舞受公相誓如履夷逾

疑作

途

曾不崇朝而獻狀行在于時黃屋南巡于邑濮元兇

僭盜于鎬京握兵者鱗差失節者踵武公挺身禍敗拔

跡危難掃氛祲之未開定危疑於已變乃分遣寮屬結

約諸侯迴成德向闕之心合昭義勤王之志雖漁陽之

勁悍北敵之猖狂公精誠顓天銳氣蟠地能走馬實於  
魏壤覆朱滔於貝丘希烈勢孤賊泚援絕訖于收復經  
啓自公魏魏碩勲孰與公比由是捷書上聞未幾而降  
優詔拜魏博節度管內支度營田觀察處置等使銀青  
光祿大夫魏州大都督長史兼御史大夫君臣之契運  
昭泰之玄符千載一時燭見茲日及六龍駕還九有風  
清然後議刑賞頒慶賜則公之茂績結于宸衷即日加  
工部尚書節度等使如故上復以麾幢之任賢賢也腹

心是託親親也親賢之選簡于帝心賜公姻戚尚嘉誠  
長公主公主肅宗文明武德皇帝之孫代宗睿文孝武  
皇帝之子今上之妹玉潤貞質蘭芳粹容德配元臣道  
光卿族降自九天歸于列藩獎納忠之誠重劬戴之績  
由此見公之寵畀羣后也昔漢張敖曹窋皆因緣戚屬  
稱榮主第若公之分茅胙土樹牙推轂上自振古迄于  
聖朝一人而已尋遷尚書右一作左僕射特封常山郡王  
食邑三千戶明德也改封鴈門真食五百戶襲慶也公

惠訓封圻按部師律恢皇威以勉嘉師敷渥澤以潤蒸  
人禮讓興行廩積斯實修整人紀統和天常夷難戴君  
每為已任朝廷褒是休烈爰咨弼諧以本官就拜同中  
書門下平章事公既參廟謀又統兵柄方將劄禍胎之  
未兆措理本於永貞張三光之明調六氣之府致君堯  
舜身作夔益豈獨鎖結燕趙連衡齊魯嘉言有聞而遽  
嬰寢疾以貞元十有二年四月十日薨於戎府享年六  
十有三天子震悼不臨朝者三日列辟相吊邦人大慙



即日詔遣尚書職方員外郎房挺申賻襚之恩備君臣  
之分追是勲伐冊贈司空詔書褒寵禮加常典不踰時  
而命公令子節度副使兼都知兵馬朝散大夫試光祿  
少卿兼御史大夫李安纂厥戎政式光茂烈雖哀過乎  
禮而義貴從權寧息魏人藩翰王國稟君之命移孝則  
忠生而顯榮歿有遺祉薰灼今昔在公一門越以某年  
十月四日葬我公魏州貴鄉縣金堤鄉吳河原邇先太  
傅之塋禮也嗚呼公精彩朗徹志氣雄厲性通事表心

達化權二十總戎三十作相伴魏博為順本功以之高  
奉家國於正初孝以之大忠孝斯立福壽攸歸向蒼生  
失望國棟斯折今古之恨何勝言哉公有子三人長曰  
孝和朝散大夫使持節澶州諸軍事澶州刺史兼御史  
中丞充本州防禦使少曰季直朝議郎殿中侍御史內  
供奉銀青光祿大夫檢校工部尚書兼魏州大都督府  
長史御史大夫充魏博相貝澶衛等六州節度管内支  
度營田觀察處置等使季安公之次子也十五授鉞為

唐名臣固河山奕葉之封奉貴主慈嚴之訓光闡前烈  
其不朽歟公左右王家底靜藩閫功勳一作豐功大畧書于

惇史若乃垂休聲於開國之地中罔極於元侯之恩刊

勒豐碑光顯舊壤門人之事也追慕感恩一有顧字直而不

文其辭曰○三光昏霾兩儀否閉爰資英傑用贊開濟天

人合符斯人命世其一塞直盧龍山橫紫蒙元精委輸慶

發于公其勲惟茂其德惟崇其二建中季年兩河難作淮

圻怙亂燕趙濟惡洶洶鯨奔狺狺獸搏其三翠華順動關

右塵飛戎輅載駕苞茅不歸且懷疑顧孰就是非其四時

惟我公拔跡艱阻率彼叛徒悉為王旅白日精貫丹誠

自許其五娑娑燕寇嗇禍稱兵動搖夏東應援咸京旌旗

蔽野獷虜連營其六公仗天威修鄰叶志忠見于時泰生

于否十萬姦凶一敗塗地其七帝嘉殊績乃授藩維輯寧

有土惠訓成師威令自肅仁風載馳其八乃作宮師一作六官

真食茅土窮寵極貴封王尚主恩光顯融獨映今古其九

既司右揆爰陟上台皇猷允穆俗阜爰來人望匡弼天

胡降災

其十

冊贈司空念深宸扆道則致君人而知子帝

命元侯傳封四履

其十一

高墳峩峩先隴之旁河掃通氣

沙麓連岡歿而可作公其不亡

其十二

文苑英華卷八百九十一

欽定四庫全書

文苑英華卷八百九十二 宋 李昉等 編

王爵三

涇原主帥南川郡王贈司空劉昌神道碑一首

武陵郡王馬公神道碑一首

南平郡王高崇文神道碑一首

故四鎮北庭行軍兼涇原等州節度支度營田  
等使開府儀同三司檢校尚書右僕射使持節

涇原諸軍事涇州刺史兼御史大夫上柱國南

川郡王贈司空劉公神道碑 權德輿

惟南川郡王諱昌字公明貞師于安定十六歲歲直鷄

火夏五月甲子寢疾病考終命制詔襚以司空印綬而

弔祠法贈集作聘稱焉於是內子諸孤宗姻家老盡誠信

於內從事大吏倫侯亞旅展匍匐於外叶志會事拂龜

露著象數皆得以條陳纖微必蒙於可報以冬十月丁

酉還真宅於京師其原禮也公之先彭城人楚元王交



之後夔國公弘基之族孫也大王父全慶皇汴州別駕

王父達徐州長史父庭玉試太常卿贈徐州刺史三代

醇靜不躋豐祿故天爵覆露發祥於公公角犀鷲領魁

岸碩大思暮泉深盛氣陽禮記作揚 註讀為陽休清明以虛受莊

重而強立稟於端誠之謂義發於慮憲之謂仁集有揚 顯字

天聲之謂武節修方任之謂文事再居陪卿三佐列藩

以宮尹中執法以騎省亞丞相冬官宗伯比踐六職再

受鉞而一撫封列王爵而食真賦終於端右飾以論道

欽定四庫全書 文苑英華 卷八百九十二 三

其初守商丘授彭城下濮陽潤寧陵釋陳園復梁地集作

野皆急病肆力威功自著起沮傷以奮擊化匡駭為休

寧其守不可拔其功不可遏投難而智勇俱殖酣戰而

奇正合發兵法曰有必勝之將書曰存亡在所用其信

然乎始從河南集作 東非節度張介然東討林胡殺畧居多

次從宋州刺史李岑扞城半歲劇賊遁去又從臨淮王

光弼汴國公勉每用上効揚于軍鋒洎劉司徒玄佐始

擁節旄錫宣武之號以族屬勲力賈餘勇無前几希烈

之自寧陵走汴走蔡以至于死皆公之為貞元三年以

偏師八十承詔護塞亦既旋旆俾營甸圻有尤違者連

斬以徇天子壯其忠槩未幾徵還沃心前席饗體命宥

建行師之節制自稟新書分上相之賦輿留屯便地明

年正月進律作藩彤弓玄甲物采備厚因六郡之氣俗

用十連之教理入覲宣室請城平涼屹為巨防乃拓故

地而又險走集以禦寇徙邑居以使人夷境墉而制井

疆斬荆棘以列達市貨力具舉農戰交修邊關棄地宴

欽定四庫全書 文苑英華 卷八百九十二 三

然富殖長幼養老沛然生聚隣有墜師者濟之棄甲者

納之凡涇人之所未習者皆優為之涇土之所未產者

皆茂遂之昆夷攝一作 攝警燿火訖息彼西土軌道繫吾

謀實然理命不忘於信實遺章備見其忠悃年止於六

十五未極壽寵皇帝之所以恤然加等良有以焉夫人

吳國夫人陸氏柔嘉綢直婦道明備長子殿中侍御史

贈潁州刺史均教忠能仕不幸蚤夭嗣子右威衛騎曹

叅軍士涇慈善有馴行與支子右衛率府兵曹叅軍士

僚洎士良及士和等以德輿嘗受面命類涇人聲詩馨  
香始終其傳信也熟將篆樂石載徵非詞中郎二碑竊  
善頌於無愧春秋五例冀終義於後經銘曰。亶亶南  
川得時經武大君有命式是西土西土濯征衆心成城  
壽甲瑯戈涇師以貞隼旗驚冕涇俗以寧肆厥忠力秉  
茲義程凡在五符至於白徒制為田廬亦有賈區寔墉  
寔畝交贊令圖嘉生油油比屋愉愉昔誓偏師士皆致  
果如使臂指可蹈水火孰云危事決勝在我狂狷內訌

惡氣濛濛濁河而南或守或攻陳壁既捷夷門乃通時  
惟南川實冠群公乃分兵符乃鏤彝器服物昭庸天休  
茲至勞勤心力弘大功利師則嚴終公惟盡瘁智氣冥  
冥發揚昭明下平水土上助神靈輅葆參差丘封崢嶸  
立此堅石於昭厥聲

武陵郡王馬公神道碑

熊執易

大唐將軍能扶贊神武斬艾不王者曰太尉扶風王薨  
二十二年而長子蔚州牧御史大夫武陵王鉞自朔易

歸葬于萬年銅人原貞元戊寅歲五月六日克定焉禮

也嗚呼自代宗末洎今上貞元

二字一作  
第三元

二紀之間所

求乎高明昌盛之家伯仲肯構之力而能保勲烈於上  
繼事業於下包前慶以滋大食舊德而日新者蔚州有

馬公諱某字某其先茂陵人在堯舜揖讓之盛則庭堅

作士而五刑五流克明伯益作虞而草木鳥獸咸若在

殷周質文之極則造父啓風

疑作  
封

而秦始皇大宣孟作忠

而晉蕃衍此其泉源之興焉洎炎靈反動伏波為漢室

天柱文教中興南郡為孔門

一作聖

木鐸此其祖宗之表

焉在皇朝松安雋鄴四府都督隴右節度加鄆鄜三州

刺史右武左武二衛大將軍扶風公食邑千戶贈光祿

卿府君諱正會公之曾祖也左司禦率府兵曹參軍贈

太子少保府君諱晟公之祖父也四鎮北庭涇原鄭穎

等節度使開府儀同三司尚書左僕射知省事兼御史

大夫扶風郡王贈司徒太尉府君諱璘公之烈考也於

戲在玄宗時太尉仗劍萬里建績二府實獵邊陲振揚

公閩塞外諸蕃莫不內侮蓋神貺靈慶公生伊西寔忠  
精是感也在肅宗時太尉乃唱大義以踰絕域提一旅  
以應王師既清西夏乃定有洛功蓋郡帥勲在二京公  
與母弟績戀于大荒來寧上國覩茲盛業寔勲烈有嗣  
也在代宗時太尉乃總大兵居上將載雲旗控朔陸旄  
頭銷于昇穀蟻聚遁于虎落業揮而載氣警戎旃火烈  
其威金聲方革非敵不敢邇邊者十年公實耳目旌門  
手足閨壺萬鍾之賦自我以財成七校之雄多予以暢

遂寔父盡裕而天寵浹內行積而公議歸也故公自初  
命四遷至太子左贊善大夫歷光祿少卿左驍衛將軍  
從祖司徒節制太原奏統中軍兵馬拜左衛將軍武陵  
王尋加御史丞丁內艱起復右衛將軍兼雲州刺史大  
同軍使遷代州刺史石嶺鎮北兵馬使代北軍使為本  
道所請復將中軍兼御史大夫遷蔚州刺史橫野軍使  
代北都知兵馬使嗚呼公之致身也以言乎天性則挺  
竒表於勁俗叶嘉慶於神州狗國可以彰忠克家可以

明孝以言乎朝容則階貴胄以統環衛著通籍以履周  
行仍朱戶可稱赫翼宸居是謂嚴重以言乎邦正則本  
慈惠以撫三郡導滋殖以厚萬人乘塞寢柝智也告終  
罷市仁也以言乎戎律則盡瘁以被乎戰陣戮力以承  
其師帥書功在代郊一作書功可不曰勇哉啓手足歸  
全可不曰果哉總衆美而可覆恤平昔其故一作如在方  
藹一作有茂實諗無媿辭夫人南陽郡樊氏故侍御史衢  
州別駕晁之女之死之歎母天莫移嗣子前汾州平遙



尉澹次泳湘漸洳深免喪之哀心目皆瞿長女歸濮陽  
吳魯次服沙門之教次歸汝南周邕泊幼女三人婉推  
年以室處公之令弟皓右神武軍將兼御史中丞稟天  
策以警紫垣統禁旅而環黃屋貞忠一德向力帝家存  
沒永違茹哀天壤次晞前太常寺奉禮郎次曄前揚州  
參軍並耀弘文館明經盛矣夫光祿之威愴西陲少保  
之道高齊俗太尉之神扶聖祚君侯之惠敷朔郊將軍  
之忠衛宸極君子曰田宗三王彼可全矣石氏萬石我

何謝焉嗚呼非夫人明柔慈愛孰撫吾室非愛弟仁厚  
忠肅孰昌吾族而諸孤能承佐先軌懼隕厥問周爰叔  
父之仁旨載王景行之遺烈敢稽代緒以表道周銘曰  
• 將星有耀燭天煌煌武庫多材我宗最良在昔光祿  
登壇保疆乃擁節旄以扼河湟左衽畏慕右地雄張降  
及司徒其道大彰遭德孔艱致命一匡既復區夏乃軌  
豺狼形弓專征元戎啓行實倡九牧以定四方賢哉長  
嗣居焉廟堂庸勲是承父子皆王再秉龍韜中軍以揚

出援魚符北地周康古人有言過逸前光令子罔愆繼  
序不忘精騰魄復天望地藏高墳揭然豐碑在旁雨露  
既濡松栢蒼蒼獨有代功著于縑緗

南平郡王高崇文神道碑 韋貫之

唯聖奉天刑奮神武振起隆平之運者非得臣無以成  
其業唯賢抱英略任艱難垂鴻不朽之績者非偶聖無  
以展其材故欲理之主興則佐命之臣出天人之際厥  
有明之一作祇應期感發若合符契皇唐十一葉明天子

受位將懲禍于四方天錫以忠武之臣登翊鈞衡贊揚  
威烈此聖賢相遇者以其天人合發之運歟侯誰膺之  
則南平王其人也公諱崇文其先齊太公之胄自敬仲  
得姓而望於渤海及容止

齊高止  
字子容

奔燕或家於范陽今

則為幽潞人也奕世以禮義傳家法至公七葉無分居  
異財化行於鄉黨開元降制使存慰及旌表門閭者咸  
至於再曾祖藝朝散大夫試汴州長史祖夔試梁州司  
馬贈梁州都督考行暉正議大夫試懷州別駕贈戶部

尚書咸晦名垂裕慶不在其身公鍾天之靈發地之秀  
膺時之傑起聖之期幼觀儒書不屑章句推尚義節制  
存功名遂學兵鈴習騎射術窮秘要藝擅國能天寶末  
安史之難因投筆硯事平盧軍偏裨隨鎮淮右寶應中  
代宗避亂陝服公從戎師父赴難行營危蹕還京策勳  
居最其後智光之稱亂陰晉靈曜之倣擾大梁崇義之  
負固襄漢常卒疑作率別部為前鋒功冠諸軍累官執金  
吾太常貞元初始授陳許節度都侯及領所部隨韓全

義鎮長武城神策淮南陳許浙右四軍同戍公總其侯  
奄之任臨下簡肅士衆悅而歸之尋加開府儀同三司  
始受蒲壁啓封渤海五年敗犬戎於寧州軍師書勲授  
節制之號公亦遷職而進封為王及全義還朝委以留  
務四遷至御史中丞十四年遂為長斌大使卒伍貫于  
素隸紀律明於先令剗壤為寨風塵不驚徹田為糧榛  
荒盡闢訖五六載昆夷不敢東顧邊城晏閉二十一年  
就遷御史大夫自至德已還天下多壘擁旄守土者至

五十餘鎮每主帥就世將吏有得其柄者多假衆怙力以求代襲朝廷每不得已因而命之是歲也西蜀戎師相國韋公其佐劉闢將踵武前事乃拒詔命逼脇使臣圍逼梓潼爭據劔門之險今上深惟宿弊將一戎衣以正四方謀於廟堂宰臣杜公黃裳贊定其策因薦公可任大事元年正月拜工部尚書右神策行營節度總護諸將使道南征公之在鎮繕甲兵勵士卒常如待敵及奉詔而至即日進路三革五刃無不完具前軍剋劔閣

遂解重圍危城載邑失地全復即授東川節制轉兵部  
尚書左丞奮師敗劒之餘當芟夷焚蕪之後拊創痍  
懷輯逋離敷愷悌之仁起常傷之氣義勇爭奮羸餓者  
來蘇賊衆退保鹿頭我師進至羅江縣相拒半舍自五  
月至於仲秋小戰則小利大戰則大利奪其險要挫其  
銳氣賊乃堅壁不敢爭鋒然而憑高阻深綿亘十里我  
攻彼守衆寡相懸候便宜曠歲月則傷財留費稽我靈  
誅乃表請濟師以圖大舉及軍繼至則分命勇銳入其



心腹絕其餽糧介於連壘之中而軍馬且俾申諭前詔

開約降之路其大將仇良輔等執送闕于方叔及婿蘇

强率

一作衆

四萬餘人束手候

一作俟

命公乃俘二孽以獻

釋將卒之縛復授以兵俾還龍壘無彼我之虞軍吏咸

有獻疑謂非受降之道公曰彼逆以迫兇威父母妻子

為其劫質今既窮歸貫死夫何懼哉遂使降衆先驅連

營旅進闕率餘黨奔於西山公遣大將高霞寓鄜定進

以輕騎追捕及位

疑

于陽

二唐書作羊

灌田闕弃馬投江二

將倒戟而出之遂擒以至械送闕下行獻告之禮而戮  
焉公入成都申嚴禁令無敢侵掠市不改肆農不易畝  
百姓感悅如霽重陰而熙愛日也又以天子恩澤布于  
一方脅從誑誤者咸宥其罪斬賊將邢泚以徇曰莫如  
此偽効誠款陰持兩端三軍接餼如振塵埃而濯江漢  
也粵以十月遷檢校司空領全蜀十有三州外達諸蠻  
成泉安武一作撫賜實封三百段本傳作戶封南平王侍從之  
臣紀功篆石建碑于鹿頭之下盖今相國裴公之詞斯

為不朽矣是役也師人貨費皆仰給有司量估徼直歸于幕府凡計緡百四十餘萬其用未半而寇難平主者請私贏公曰有土實可以奉軍國財非所宜隱盡命列上歸之縣官時蜀之府藏竭無以賞功佐吏請重稅編戶公曰恩未及而遽徵斂人將不堪但命閱簿書籍逋責得以備用此不益賦闕無敢欺公常欲斥西戎復涼隴自居益部亟以急病為請願守邊陲天子壯其忠且將附以一面之寄乃授相印仗鉞於邠京西諸軍都受

統制邊城動洽威惠故以不約而信不令而嚴居三歲  
戎政允理將朝於京既而有疾猶扶強首路則以展軫  
効駕而大病至焉以元和四年九月二十有五薨于  
官享齡六十有四軍府哀慟如喪親戚皇情震悼不聽  
朝者三冊贈司徒賙以米粟布帛有加常等禮官考行  
謚曰威武明年正月二十日葬我司徒南平王於萬年  
縣設奠於國門之外百官成位弔哭以送君臣之義厚  
矣哀榮之禮備矣夫人董姓汝州長史同彌一作珍之女

正位中閭佐佑仁賢翟芾未榮鵲巢空在春秋三十有  
一以大曆十有四年五月一日終元和三年追封郟國  
洎茲啓殞淮右從公于居嗣子金紫光祿大夫行思王  
傅上柱國上谷郡開國公食邑二千戶士政次子檢校  
秘書監兼御史中丞士榮季子左衛率府胄曹參軍士  
明漸漬義方事由忠孝保持門戶克纘家聲君子知南  
平之業為不忘矣惟公氣勇烈行易直內器劔距外不  
矯飾其治戎也持重有節制信賞以勸之明罰以齊之

嚴不近苛奇必合

一作舍

正每臨敵制變勵如猛獸

一作驚

迅如風雨啓行助雷霆之威斷後保阿山之阻故攻無  
不剋守無不固其牧人也使之蠶而衣稼而食不奪其  
時不竭其力載其清淨一與休息故不能親舉而潛飲  
其得蜀川隆富首冠藩服我以功而居有之是宜保尊  
榮安暇豫矣然而不屑寵利狗國損躬振高風激時弊  
子文逃祿去病辭第訂之於我彼何瑣細四紀事軍旅  
百戰成勲庸遭逢盛明升受鼎鉞有賢人可大之業張

聖后神武之威獨立一時我無慙德自迴飾南藩作扞  
西鄙朝廷以之倚仗四國以之瞻仰貪亂稔禍者竊視  
惕息徹其邪謀嗚呼天不憖遺奪我何速公之冢嫡以  
貫之常學斯文謬掌書命授以不刊俾傳信詞採遺烈  
於世家無慙實錄奉孝思之誠託有愧當仁式表新阡  
永昭神道銘曰。幽朔之都浸遼鎮碣氣象盤鬱英靈  
峻發克生南平挺為人傑幼秉忠壯蹈茲武節韜畧懸  
解藝能貫疑作冠絕天寶季歲安史猖獗爰執干櫓遂從

征伐屢憤豺牙頻探虎穴勲名克樹爵祿有列惟天因人惟人奉天惟賢希聖惟聖資賢靈命陰騭有開必先自昔多難方隅擅權操兵襲位四紀之年光燦我后雅斷精堅將致武訓俾夫頑遷蠢爾庸蜀負險專地帝謂南平總戎為帥式遏亂畧輔成吾志南平秉鉞如火烈烈取彼兇孽獻于天闕式其怙亂必寘夷滅萬邦震驚九截荒札樂土全蜀任雄一方南平蒞止匪居匪康我懷急病整守西疆帝庸嘉信于邠斯鎮受委戎統登榮



相印鼎餗方飪干戈未衅任重道遠時行運窮舟移巨壑日下高春摧藏壯氣惻愴遺忠縉禮歸厚明思有融  
哀哀令嗣克孝惟終篆記樂石昭明世功奮乎千載式  
是英風

文苑英華卷八百九十二

欽定四庫全書

文苑英華卷八百九十三 宋 李昉等 編

職官一

北省一

齊黃門侍郎盧思道碑一首

唐紫微侍郎贈黃門監李乂碑一首

右散騎常侍徐堅碑一首

齊黃門侍郎盧思道碑 張說

有齊黃門侍郎范陽盧公諱思道字子行涿州人也其先姜姓世胙東海別為盧氏家于北燕自漢世中郎將植至侍中陽烏徵君之子稟天靈傑承家令軌清明虛又磊落標竒志不詭隨行不苟合遊必英俊門無塵雜至於求已勵學奧道覩探思若泉涌文若春華精微入虛無變化含集作合飛動斯固非學徒竭才仰鑽之所逮也事齊歷散騎侍郎以翰林直中書中廢復進至給事黃門侍郎待詔文林館武平末天子總兵禦寇太子監

國于晉陽公留綜宮朝兼典樞密及皇輿敗績於外而  
百寮蕩析於內公節義獨存侍從趣艱告至行賞授儀  
同三司入周除御正上士定省歸郡郡人祖英伯作難  
公脅在其旅幽都既平玉石將燎賴元帥宇文公舉以  
舊有令聞引謁因命草露板立就駭其麗異其敏釋於  
齊斧之下揖于郡士之上除掌教上士隋高祖為丞相  
也遷武陽太守以母老乞解職優詔許之後復徵為散  
騎侍郎奏內史郎事隋開皇六年春秋五十有二終於

長安反葬故里凡更臣三代易官十七再降一免二去  
職八平除擢遷者四而已公處屯安貞賦詩頽飲視得  
失蔑如也臨難無懼在黜無愠危不去主仕不違親休  
明有賓禮之盛顛覆無淪胥之禍其大雅者歟夫禮義  
損益公能言之故與熊安生詳定齊禮三墳五典公能  
讀之故與薛道衡侍學諸后公國華人望光照鄰邦故  
所居之朝應對賓客脩辭抗議允執其中故青瑣黃繡  
二代咸掌大名之下豈誣也哉昔仲尼之後世載文學

魯有游夏楚有屈宋漢興有賈馬王揚後漢有班張崔

蔡魏有曹王徐陳應劉晉有潘陸張左孫郭宋齊有顏

謝江鮑梁陳有任王何劉沈謝徐庾而北齊有溫邢盧

薛皆歷代

集作應世

翰林之秀者也吟咏情性紀述事業潤

色王道發揮聖門天下之人謂之文伯於戲國有校家

有塾祿位以勸風雅猶存然千數百年群心相尚竟稱

者若斯之鮮矣才難不具然乎然則飛黃虛騁百轡遺

路鷁

一作鷁

鵬天運萬翼無階文士擅名當時垂聲後代

亦云乎才力之絕衆故爾開皇以來百三十餘載天贊  
唐德生此多士公之玄孫曰藏用濟美文館重祿黃門  
永惟衣冠子孫邑里多收先人封樹歲久將平乃假詞  
非才刊石表襚庶乎涉齊地者不薪柳惠之隴過邢山  
者無惑子產之墓至矣乎盧氏之子具用心也遠矣銘  
曰

或或黃門實天生德才蓋一世榮聞四國文王既沒文  
在人弘公為宗匠當朝與能龍躍春霽鳳鳴朝昇或頌

或變或雅或承理以神合聲以妙徵高視睢渙與君代  
興人之云七十有一紀斯文未喪施于孫子新作豐碑  
德音不已

唐紫微侍郎贈黃門監李又神道碑

蘇頌

世稱李公德為範言為師行為則事為程於戲彼之四  
者吾以一貫及值緝熙之運懷廣大之業天下謂之登  
相國踐台司竟而此位不躋亦公之譽一作助也若李孫



何訪不對者宣尼季子可法以書者文仲夫如是故聞其風志其道粵未量已公諱又字尚真趙房子人也伯人侯曇裔孫侍書勁十一世孫自咎繇虞臣老聃周史純嘏之烈清華其冠曾祖彥博振威將軍光州固始令祖惠明弋陽西曹掾熊州司倉書佐父大智閩州新政令公貴達追贈濟州刺史以昭孝焉北臨代有恒岳東注彭有泣水

漢地理志趙泣氏縣有泣水

豈恒之寶泣之精矣何竒

士之不乏而我公誕生歟公幼而閔凶弱不好弄十一

從學極奧研幾十二屬詞含商咀徵中書令薛元超謂  
人曰此子必負海內盛名十九郡舉茂才策第考功郎  
劉思立一見又如之調補潞州壺關婺州武義尉羈雲  
逸而在泥蟠也秩滿詣選吏部侍郎蘇味道偉藏器而  
嗟韞櫝也特受藍田尉又策高第累遷乾封萬年尉雍  
州長一作史薛季昶視事咨謀推誠悅服主畫諾而班  
詔書也擢為監察御史厯殿中侍御平而不頗踈而一作  
則不漏與御史令黃門監漁陽公承旨鞠偽發姦除惡

刑以矯末禮以教中有若決葵潰癰焚符破璽景龍中  
葉靜能諂諛媚妬權勢傾人自謂金鼎可期羽衣而立  
功效奏其僻中宗原而宥之不肖者懼不仁者遠無何

加朝散大夫遷尚書司勳左司二員外右司郎中中書

舍人立義起草司言揮翰蓋閑練而芳蔚也遂兼長

一本

作長兼按歐陽修書南齊海陵王墓銘題長兼中書  
侍郎謝朓撰南北史多有此名蓋當時兼官之稱 昭

文館學士雲龍待問天馬成歌羣士躍鱗緊公稱旨太  
子上即位檢校吏部郎中正關鍵端也持刀尺審也建

是無撓翕然有聲二歲遷黃門侍郎加銀青光祿大夫  
進爵中山郡開國公食邑二千戶四歲轉紫微侍郎掌  
制數月兼刑部尚書明年正除檢校尚書校郡國考績  
凡二歲古之邁迹垂憲選賢與能多矣抑揚者或齟齬  
為心塞默者或遽蔭為貌介無不執執則嫌於偏柔無  
不通通無惡於善士君子患也公列近臣居常伯則不  
然秉彛德徹乘一作垂理錯綜平枉悟按倫省忠而公信  
而順謀始而作慮先而動明可照肝膽精可析毫芒議

必當而刑不放也故邦釋令典公敷大猷粗舉凡矣聖人迪謨訓書簡冊惟文乎公掌司綽握鈔槃典可常而史不隱也聖人鞠師旅繕甲兵惟武乎公賦其車蒐以器居有禮而用有神也聖人訊法約疇事省惟清乎公削煩苛節更筭著諸令而便於宜也聖人核臧否甄黜陟惟明乎公差九牧區五等措諸枉而舉於直也夫文武以序清明以成斯事體大與時偕行行之我公則無遺矣嗚呼我公何不壽矣明靈罔恤閻忽而殂享年六

十開元丙辰歲仲春癸酉薨於京師宣陽里第旒冕震  
悼衣冠痛惜秦里奚鄭子產烏足擬哉制贈公黃門監  
絹布三百疋米粟三百石以賻之太常考行曰貞宜矣  
公每誠其子師於薄葬有子寧等五人並喪過乎感奉  
遵先旨不敢隳廢章賢業儒竟遷魯國杜預知禮自表  
邢山故寧等以其夏丙申卜葬長安細柳原東北望帝  
京二十有五里償其志也柩既引戶部尚書東平畢構  
少府監吳郡陸餘慶散騎常侍扶風馬懷素黃門侍郎

清河崔泰之洎紫微侍郎武功蘇頲祖於延年門外舉  
觴言曰不還故鄉達也別於此路窮也孰云中山寧厥  
后土非此公之為慟吾誰慟乎服馬悲鳴而不前行人  
涕泣而相向僉以頲者公稱知我我謂之甥固嘗揮斤  
見期必使刊石為事頲則不佞曷於是重相泣謂曰我  
輩見中山弗真寘墜行弗察察從政弗執利邀寵弗夸  
毗耀榮無躁求無苟得結友朋義也誨子弟仁也薦賢  
畏其知聞善若已出急於病讓於夷輕於財重於施迺

中山之度矣所著文集成六十卷五言之妙一變乎時  
流便清婉經綸密緻猶樂簫韶工黼黻也至於心凝風  
味神嬉景華奕碁不孤絃酌相伴樂然有地貴豈在人  
奈何則亡不可復見因更為長慟伴愚叙之黃門監漁  
陽公盧公居世有閑散之任與公有范張之密強學偉  
詞蓋撰其實也遂作頌云

龍德周史龜文漢相鼎鼎遞襲簪纓相望常山之英泣  
水之精代稱不乏人惟特生其一鯉趨成訓敦詩閱史鴻



漸于磐陟遐自邇整勞州郡俄拾青紫王佐之才一日

千里

其二

高遊省門近侍軒墀守位以正行已無私無私

伊何惟忠是効以正伊何臨事不撓

其三

八座爰踐三階

未陟如何不臧景命云極中夜嬰癘崇朝孔亟縱壑摧

鱗靡霄墜翼

其四

如水之清如玉之貞如衡之平如鏡之

明應享年以介壽何短晷之先傾晉喪名臣兮羊公見

哀於武帝鄭有遺愛兮尼父掩泣於僑卿

其五

歸無途兮

往不返歲將晏兮逝水遠

一作  
彌遠

南山南河往不返可奈

何日運星迴天長地久旌芳宣懿無非舊友

其六

故光祿大夫右散騎常侍集賢院學士贈太子

少保東海徐文公神道碑 張九齡

夫物之所宗也莫善乎德行道之以明也莫先乎文學

人倫以具體為

一作者

難世業以濟美為貴有能兼之者

其

一有在字

東海公乎公諱堅字元固其先東海郟人永嘉

之後仕業南國因家吳興焉隋氏平

一作縣

陳徙族

一作楚族

入雍今為馮翊人也原其伯繫平水土實佐文命偃王

行仁義大啓徐方因國保姓克昌厥後逮乎漢魏間出  
仁賢十二代祖晉江州刺史順德簡侯寧至五代祖梁  
直閣將軍慈源侯整整生陳始安太守綜綜生隋延州  
臨真令方貴方貴生唐果州刺史孝德孝德生唐西臺  
舍人贈禮部尚書齊聃出入六朝載祀數百文武冠冕  
存歿光靈訓子克家謀孫必復賢風儒行世有其人公  
即尚書府君之元子也生而濬一作峻發默識經藝粵自  
童齒則善文言時先府君為沛王侍讀公之岐嶷聲振

平臺王聞而延佇與之談議授簡能賦博奕惟賢門客  
府寮深所厭服奄遭不造十四而孤祖母金城郡君姜  
太夫人念其聰異誨以志學公遂刻勉詣心精微磅礴  
九流激昂三變景倩幼露實賴愍孫令伯大成抑由祖  
母上元中遭姜太夫人喪哀幾滅性制則從禮有感斯  
絕無聲常淚服闋州辟秀才其年登科解巾補汾州叅  
軍事部送邊橋至于定襄軍使王本立素重公才署為  
管記書奏謀筭悉以咨之坐耀鋒芒未嘗肯綮尋而換

雲陽尉萬年主簿親累出為揚府功曹振鱗將搏載躍

京穀垂

一作乘

翼遠逝有聲東南俄遷太子文學時秘閣

群籍大抵訛謬有勅召學士詳定公實在焉為之刊緝

卷盈二萬時輩絕倒伏其博遠尋與李嶠等撰三教珠

英書成奏御拜司封員外尋加朝散大夫即拜郎中稍

遷給事中以公代及文史詞不失舊雖居鎖闥尚比纏

一作墨

牽遂除中書舍人君子曰舜之官人也二年勅公

修則天聖后實錄及文集等絕筆中宗嘉之璽書敦慰

賜爵慈源縣子賚物五百段旌良史也遷刑部侍郎

一作

即加秩銀青光祿大夫轉禮部侍郎兼判戶部

一有侍郎二字

公久踐朝廷累登省閣舊章必練即事無疑雅不煩文深得大體雲臺高議以此歸之進封縣伯食邑五百戶

兼昭文館學士受詔與天竺僧菩提流至

一作志

譯寶積

經及柳冲等同脩姓氏系錄三教寶真萬族有倫並見成矣太平公主內秉國權駙馬武攸暨外收人望命公至第拒而不行惡夫佞也景雲初今上夷亂主鬻東朝

宮相四員時難其選二以宰臣兼領一則天子故人任

良兩宮

一作物官

實在公矣遂除右庶子兼崇文館學士修

史如故進爵東海郡公食邑二千戶遷右散騎常侍以

本官兼黃門侍郎尋而即真祿賜同三品爵崇五等道

茂兩宮利君謀身舉代皆譽又以刪定格令承恩進爵

二等公請回授叔父齊莊帝用懷之遂封莊為長城縣

子天下義士莫不激昂

一作節

焉侍中岑羲公之姻婭與

其聯事深自危懼求典閑司以遠祗悔遂改太子詹事

迨義禍敗地絕嫌疑先是不交定王及此不昵岑氏見  
炎莫附思患預防信達人也復以親累出為絳州歷永

靳棣衢四郡山川公位

一作立

楚夏異齊

一作同

公政不易

宜教以因俗德化歸厚人共由之開元中會同京師遷

秘書監無何轉國子祭酒皇帝古乂

古籍字

古崇訓開堂集

儒以公才學元長命登首席遂令集賢殿修撰又除右  
常侍以公為學士副丞相燕公知院事綢繆顧問日月  
獻納渥恩尤及少有其比上將柴于岱宗詔公草其儀



法定禮

一作禮

祀之位廣配類之儀博文約禮或設或革

言出而人伏事立而天從時義遠矣及禮畢承恩特加

光祿大夫時置十銓公在分掌程不愆素且無遺才公

既贊相謨猶從容諷議大鍾必諫

一作鍾

溫樹不言啓沃

盡規

一作知

實致君於堯舜死生有命空比德於老彭享

年若干以開元十七年龍集己巳五月丁酉薨于長安

攸政里之私第聖人震悼君子稱嗟翼日有詔褒贈太

子少保贈物若干段粟若干石特遣

一作降

中使內侍伊

鳳祥帛祭而別賜布帛若干端足俾鴻臚少卿元

一作源

復監護葬事官給鼓吹儀仗太常考行曰文君子曰仁

而愛人敏而好學家有榮業紹其弓冶國有大事脩其

典章謚之曰文不亦宜乎以其

一作某

年終甲子與夫人

故南陽郡夫人合葬于萬年縣之少陵原之先塋禮也

公寬裕有禮溫良能斷智出于象

一作事

外樞得其環中

德之積也厚名之立也大故起自黃綬累踐赤墀五省

府

一作

推高連州得最事將時並位

一作名

與才偕莫之夫

闕也至於升堂入室探微覩奧動有禮樂之運言有雅

頌之聲是惟無作則萬物

一作其

和而八音備矣蓋嘗

注史記修晉書續文選大隱傳及有文集三十卷皆咨

於故實博於遺訓古今通變河漢共

一作其

高或藏名山

或昇天府疊疊然各得其所嗚呼文仲沒而其言立子

產終而遺愛存公則備焉宜受馘穀保又厥後代代守

之有子曰峻嶠岷等才以雅著孝以特聞學茂交魯之

科旨詞雄祖考之風格備曆清貫皆立能名三賢德聲

方賈氏無愧累葉儒訓與班門孰多咸瞿瞿如皇皇如  
昊天不追終身積痛永舊撰實勒諸墳道僕從述者之  
後敬而伸之乃為銘曰

舜命益虞疇功帝俞偃王文教代集

一作及

通儒光華鼎

閱

一作伐

出入秦吳門多長者君其最乎

其一

曾是好學果

行洵美日就

一作龍

鱗成風積鵬起黃綬覆簣朱門方軌

宮籍正人朝稱良史

其二

三入承明五遷外郡道有出處


心齊喜愠帝思啓沃國尚師訓屢獻箴規偏承顧問

其三

居常有異博而無惑綿絕孫通詮衡叔則為龜為鏡立  
言立德故不慙遺左右王國其四悼興旒冕哀結衣簪官  
供羽仗士惜人琴已矣終古平生德音松枝挂劍碑字

生金

其五



文苑英華卷八百九十三

欽定四庫全書

集部

文苑英華卷八百九十四

詳校官庶吉士臣龍廷槐

助教臣常循履勘

總校官進士臣朱 鈐

校對官助教臣羅萬選

謄錄監生臣毛 杞

欽定四庫全書

文苑英華卷八百九十四

宋 李昉等 編

職官二

北省二  
翰林附

贈左散騎常侍王定碑一首

左散騎常侍王崇術碑一首

西臺舍人徐齊聃碑一首

中書舍人朱巨川碑一首 翰林學士李白墓碑

故太子右庶子集賢院學士贈左散騎常侍王

公神道碑

權德輿

興元元年春二月太子右庶子王公艱貞歸全于京師  
新昌里夏五月王師震耀祲沴銷散天子以公忠義風  
節可以聳勵人臣追命左散騎常侍且詔有司護葬如

集作禮冬十一月寧神于咸陽縣肺浮原先公之兆域  
如葬

既葬十二歲其孤仲周以德輿昔在羈牢獲見於公無  
容之敬嘗拜子

集作

于字牀下乃泣狀代德俾表識于神道

云公諱定字鎮卿京兆人其先魏信陵君無忌之後秦



臧魏謂之王家周太尉尚書令巖以勲勞閱闕為藩衛

威重從太尉三代至

集作

隋司金邢孟

集作

上士 洛相等七

州刺史明進明進生

五字集作明進進生

同州河西縣令喜

十二

四字唐宰相世系表作周司四上士明遠生隋州都七職主簿壽生河西令詰

喜生蒲州長史

贈禮部郎中

集作尚書

慶慶生吏部侍郎揚州大都督府長

史贈禮部尚書揚州大都督易從積是德善叢滋彰大

公即尚書第若干子弱冠游太學舉進士甲科補太子

校書以文雅盛德

集作德器

名聲四暢屬執事者用喜怒為

刑賞上蔽天明婚親坐累微文痛詆歷湘潭藍山雲夢

鹽城四邑之屬天寶末違難家食於淮湖聞四征五府

聘問狎至某年元尚書載

集作中  
書元載

廉問九江表公為介

授右

集作  
左

驍衛兵曹叅軍以疾乞告不屑就焉

集無  
此字

無

何元拜小司徒執憲乘軺實穎徽

集作  
徽字

令復表公為大

理評事奉詔踵門詞禮皆切不得已而從之恥驚功利

每稽中正酌輕重之法通方圓之宜叩難應於春容技

寧投於肯綮纒逾旬朔復以疾辭時薦紳先生多遊寓

於江南盍簪清議以天爵為貴

集作富

退然絜矩名動京

師宰相得君且務樹善俄除監察御史不樂拘屑換太  
守司議郎公望寢盛徵書累下不就朝論以九遷是望  
大僚之七候相繼拜起居舍人尋加理匭使歷禮部吏  
部二員外於是昭法誠廣聰明裁百辟之章疏治集作助  
九流之刀尺私回屏伏公是興行遷考功郎中每歲覈  
群吏之能否書其上下之籍有司職祿此焉質正吏詐  
諛以常巧法靡密而不勝公乃大為之防盡去其弊於

是

集作是歲

選部以稱職聞或賀之者舉手曰此考功之力

也豈敢攘善尋以本官知制誥歲中遷諫議大夫掌誥如故且加命服凡贊書名命必輔以精誠其旨在於塞菁華而去枝葉故簡實體要不為蔓辭明年宰臣伏法移太子洗馬今上嗣統東求吏師授隰州刺史以南京歸重尋拜吏部郎中再授方面命循行方國初自淮淝至于汝南後自上黨亘于山東辯逆節以致謀宣王澤以弘化德立刑行時公之功遷太子右庶子集賢院學

士或歎以才全位散非公所宜者公蹙然曰此予仲父

叔之職官也竊懼不稱豈必使如濡

集作濡翼

腊毒然後為

得耶明年冬上思避敵之仁

集作亂

玉虬西狩公聞

集作間

挈二子奔扈行宮在途發集為兇黨所不敢加害劫

送京師元惡惜公素名汙以右職桀友日至盜言孔甘

不時赴就期以大戮公瞑目噤口其心確然私謂所親

曰忘君恩以苟生非忠蹈賊刃以誅死非孝於是藥攻

五臟艾

集作大非

灼四肢耗其形神終啓手足任重道遠君

子以為難前此理命其子曰吾嘗被冕服近天子之光不能酬恩刷恥而遭罹執却得正而斃猶生之年但慮竊國象以賻我義無所受勿使偽命汙吾之行口占遺

表然後

集作  
言終

而絕禮盛服充追崇具

集作  
身

後君君臣臣

其至矣哉故尚書吏部郎趙郡李公洎公皆德輿先大夫之執也李公嘗稱公交道之深評議之正天下之人以為知言前夫人京兆韋氏刑部尚書贈太子賓客堅之女繼夫人隴西李氏右金吾衛將軍資

集作  
安

州刺史

延業之女龍旂麟趾之慶重於淑哲皆叶公之至而先  
公之歿長子逢以進士宏詞甲科歷咸陽萬年尉監察  
御史殿中侍御史佐制河東之畫才名休茂不幸蚤代  
幼子仲周亦以進士甲科使車交辟以廷尉評攝監察

御史佐元侯外任實商功利用敏職集作文明脩行集作

大明行脩論撰先烈炳然詳實故採獲始終用成斯文銘曰

大玉孚尹慶霄網緼有悼王公清方直溫考績中臺吏  
理有倫密侍右掖化成人文時或屈伸道無緇磷別殿

清近東朝顯尊盜泉滔天猛禦狷狷不虧其全不害其

人凜凜風節崇諸

集作崇追

厚恩玉

集作密

印金貂襜于墓門

家法馮慶崇于後昆

集作家法憑厚慶崇厚昆

纂叙德輝敬而不諉

岡連夏屋木拱秦原傳信貞珍令聲無垠

故鄜州伏陸縣令贈左散騎常侍王府君神道

碑

前人

國家以孝理天下褒有功之臣寄崇元侯澤及先子印  
綬名器賁于冥冥繇是王公三受追命有金貂附蟬之



飾公諱崇術字敬方其先太原晉陽人晉司徒渾之後也中以閥閱徙於帝丘今以名數籍于穀下魯王父皇集州司倉叅軍玄素生朝散大夫滑州衛南縣令瓌瓌生蔚州司法叅軍弘効皆用儒行自牧故纓轂未華仕不過郡掾史縣大夫而休問四暢公即司倉府君之子方嚴密靜忠厚温克覽六籍三畧如見古人之心開元中舉孝廉仍歲為有司所詘因罷卷慨息慕班超傳介子之為人遂從河南節度杜尚書暹撫劔相合一命昭

武校尉蘭州金城府

集作  
縣非

別將再命鄜州修武府左果

毅都尉代謀決勝多以咨之屈戲下數歲因喟然曰務

功伐而違敬養豈吾之心耶陟屺倚門慈戀交感乃嘉

仲由而罪吳起去危事以承歡願既至郡按察使表其

義行可移於教化有詔試守鄜州伏陸令為之三年禮

俗休和入有怡聲出有修

集作  
滿

政熙熙然千室以仁遂

焉雖宓不齊之理單父庾桑楚之居畏壘不是過也察

廉薦延者方因公以俟上賞俄丁太夫人憂喪制斬焉

闕而猶毀又喟然曰嚮所以不擇祿者備膳羞耳今則  
求志豈蘄畜於樊中耶於是善閑以葆其身教忠以大  
其門語仁義於燕閒集寵嘉於後昆以天寶八年春正  
月考終命於濮陽縣享年七十二嘉耦北平田氏夏州  
司馬藝之息女淑慎柔正宜于家室後七歲没于徐州  
有子三人長曰竒哲淑儻沉勇與河內尚衡扶義于河  
南積功勞至恒州刺史蹈難以没不害於仁次曰栖榮  
亦以忠力策謀至左威衛將軍幼曰栖曜寬明博大有

文武畧左右征師炳著威功掃蠱毒於姑胥靜詆諠於夷門興元元年以太子詹事加御史大夫繇太原縣侯進封瑯琊郡王貞元三年從晉國韓公來朝京師拜輔國大將軍左龍武軍將軍明年又以御史大夫為廊坊丹延等州節度觀察等使十二年就加禮部尚書納忠服勞考禮修職克稟風訓為時翰垣旋觀賦政之府乃公筮仕之地感霜露於怵惕展烝嘗於吉蠲蓋貽慶考祥必有所自不然何回復弘大於是邦耶初大厯十年

朝廷以尚書偏師策勲贈公開州刺史貞元九年又以

撫封

集作  
劔

宣力贈公宋州刺史是歲天子以一純二精

大饗報本其明年贈公左散騎常侍夫人始贈北平郡  
太君再封北平郡太夫人至是三加為燕國太夫人十  
年十月追錫之車服器用改葬之祔精合柩于濮陽洛  
城鄉全義里之西原先是尚書既得吉卜如始居喪之  
感累章請乞親壞樹上以戎闔委重俾其子正元往襄  
事焉噫嘻追養繼志有哀有敬義方啓迪之遠纂服裕

盡之盛蕃衍昌阜襲

集作叢

于子姓宜哉斲石舊封以據

德善其銘曰

仕不必貴難乎其備抑抑王公修仁踐義戎昭再命弘

厥武事美化一同炳然文吏燕居就養消息恬智從

集作

縱心之年亦已過二沒代流慶蜜章下賁比追劇藩乃

進常侍婉彼燕國柔嘉樂易光協閨門克昌後嗣蟬冠  
象服同穴茲地金石繫辭式昭遺懿

西臺舍人贈泗州刺史徐府君碑

張說

叙曰經天地揭日月文之義也掌邦籍出王命位之崇也本乎言行君子之樞機成乎易簡賢人之德業則徐公其人也昔公奮明哲之姿當高宗之盛天保大定俊乂用彰而光曜天臺雲飛綸閣文敏以暢機務稽古以析嫌疑禮樂政刑擇三代之令典典謨訓誥有唐虞之遺風較然於庶績者可得而聞也其嘉猷讜言沃心造膝滋液內潤精微外密混成於元象者不可得而聞也

公諱齊聃字將道姓徐氏東海郟人也遠祖偃王基仁  
義於上代嚴考孝德濟弘美於近世公始以弘文生通  
五經大義發跡曹王府叅軍右千牛兵曹潞王府文學  
宗文館學士兼侍皇太子講又芳林門修書于時中朝  
碩老下國英雋皆忘年請交不遠來謁望其路者若晨  
風之赴北林得其門者如衆山之仰東岱公不樂趨競  
雅尚退謙深以椒房之家聲名太甚求為外職出宰桃  
林未下車勅改沛王掾終歲選擬司績員外司議郎並



不就乞補雲陽令到官累日詔除司城員外郎乃遷西

臺舍人其為政也如台示

一作始云

爾初公幼而殊異八歲

工文太宗聞其聰明召試詞賦錫以佩刀金鞘稱曰神童及中年高宗嘉乃道優悉命皇子受業許謨帝采許以國鈞故公備更潞沛豫諸王侍讀上之在周邸也公嘗來誨詩焉夫然集虎觀之書承龍樓之問二宗之代矯首辭林四王之門從容經席非有海山之藝溫良之德儀刑以孚柔嘉維則其孰能發揮聖智啓迪天人者

乎咸亨元年出為蘄州司馬二年坐事徙於欽州夫君

子大守道而小守位汙隆隨時屈伸以義去

集作云

令尹

而不愠失司寇而遂行蕙蘭敗不為不芳日月蝕不為

不明姑

集作古字

務忠信何陋蠻越優游欽江歲餘而沒春

秋四十有二惜乎不登宰衡以平天下天天是椽

集作處非

命也歟既而慶隆嗣子還公孫之樞德施後王拜先師

之爵上元三年某月歸葬於少陵原中興神龍元年贈

泗州刺史褒賢追遠念道尊師聖人之禮也議者以公

考果州府君高學才華香名省闈武帝賢妃姊也大帝  
婕妤妹也公既高步掖垣子又踐脩舊職同生標藻於  
鸞殿重世含章於鳳池自班姬父兄文雄漢室左思女  
弟詞蔚晉宮悠哉二族徐氏三矣才難不其然乎凡是  
好文之君賞音之士公之逝也豈不慨然閱青簡而存  
凌雲之志操朱絃而想流水之屬哉厥子曰堅景龍中  
加金章紫綬行禮部侍郎得以命卿之祿奉蠲潔之祀  
無念烈考樹之家風迺刊石立頌將以識往行攄無窮

使本支百代不忘先人之

一有不字

隕其名也其詞曰

王言惟令中禁是司帝嘉文父曰汝宜之終溫且惠習

禮明詩長裾入侍

集作傳道

大筆脩辭鴻業潤色玄黻緝熙

昊天大戾君子明夷蒼梧啓手涅而不緇中興受命逝者無追靈符泗水崇贈先師髣象精魄丕承聖期教近

一作延

子貴榮躋父慈學嗣三業

一作業

才俱一時春秋孝

思霜露深悲後之視昔斯文在茲

故中書舍人吳郡朱府君神道碑

李紆

極以象為文三辰章焉地以植為文百嘉昌焉辟以誥  
為文萬字揚焉故三才之文人文為至三代之文周文  
為備秦漢承式簡而未弘魏晉繼軌則而方麗在河朔  
也其流靡清至江介也其細已甚以逮於亡隋焉國朝  
鏹邇代之弊振中古之業掌文命官發華歸本出入二  
百載上下十數公燦燦然與漢魏同風矣而曠士之制  
博而通豪士之制英而辯道流之制精而密君子之制

直而溫吳郡朱君其君子歟諱巨川字德源嘉興人也

此邦之人不學則農苟為

為字疑  
作違

二業必自他邑故王

父舉茂才先子舉孝廉皆在上第君以文承祖以經傳

代行中規身中度陽休於氣和積於中而藻之以文章

也年二十明經擢第嘗著四皓碑磅礴君臣之際表章

出處之跡正或蒙難顯黜於晦柔能麗明語賢於默道

弘藏衍義與定傾識者已知其有易諒子直之風矣其

後北蕃擾燕華夏爭土率先心計練

一作  
詠非

競政刑潛不

隱鱗飛不藏羽而君深居里巷鮮越戶庭靡躬靡親不以潔羞膳不蠶不績不以獻溫清行之有餘重志于學考經義之箋訓撰策書之贊叙每立新評必度常均將欲含堅超長鍼育起疾矣又著睢陽守城論一篇以為義者忠之徒危者節之本苟忘義以自重是臨節而可移固以探二公之心垂萬古之訓使違難者銷聲以結古苟生者寄愧而終身斯深於春秋而不義者遠矣御史大夫李季卿實舉賢能授左衛率府兵曹叅軍戶部

尚書劉晏精求文史改睦州錄事叅軍亳州獨孤及懸  
託文契舉授鍾離縣令兼大理評事沔鄂聯師獨孤問  
俗欣慕士程表為從事授監察殿中等御史數公皆人  
之望也士趨於門猶恐不及君辟其府未嘗有容至於  
幹一作翰固守成平端吏職所至蒙其福利所奉由其重  
輕人皆誦之君以為恥本州牧御史大夫李涵推善里  
仁拜章特徵薦左補闕內供奉行以直聞文以正舉皆  
君之素也况官以諫為名乎傳納從容休問昭晰由是



擢起居舍人知制誥換司勳員外郎掌誥如初拜中書  
舍人錫以章綬凡載書之傳信者贊書之加命者詔策  
之封崇者愍策之褒厚者其詞必溫其道必直洪而不  
放纖而不繁實根作者之心無愧前人之色前後時宰  
僉稱任職其小成也猶嘗秉考秀之刀尺掌條流之衡  
度而焦明顛於層旻飛黃頓於局路此人情所以為慟  
天問之所宜賦也以建中四年三月九日遘疾終于上  
都勝業里私第春秋五十有九

一作七

以其年七月七日

歸寔於本縣西上蔡原舊塋禮也詔以侍御從之贈華州刺史俾所在州縣續食以過喪詔恩之崇終始加等朱氏之先出自顓頊吳回人也建國曰邾有儀父勤王之義去邑為朱有平原佐漢之績博以忠輔顯雲以義烈聞從吳為世家在晉為冠族以至于曾祖伯道皇朝襄州司馬祖貞筠皇朝筠州豐利縣令父循贈洗馬君即洗馬府君之元子嗚呼嘉禾之偏宰樹焉依崇丘即高大浸重潤元精之發回復其中故君生受英華之氣

歿歸隱厚之窶宜其騰振洪徽延垂慶嗣也祖宿纂祖  
之武得君之文甫逮弱齡摧登秀士與其弟端靖定等  
遐護歸轡進拜先友哀託斯銘往旌不朽銘曰

猗朱君秉國文星回漢鼎歆汾丹素絢雅鄭分音扣玉  
氣飄雲才日新行日聞騁夷道天中身霈洪私贈朱輪  
勾吳邑靈海濱降精英積氤氲地貞吉宅還真闕脩夜  
非我春聳孤石垂後人

翰林學士李白墓碑

裴敬

附見李  
白集

李翰林名白字太白以詩著名召入翰林世稱才名占  
得翰林他人不復爭先其後以脅從得罪既免遂放浪  
江南死宣城葬當塗青山下李陽冰序詩集粗具行止  
敬嘗遊江表過其墓下愛其才壯其氣味其嗜酒知其  
取適作碑於墓且曰先生得天地秀氣耶不然何異於  
常之人耶或曰太白之精下降故字太白故賀監號為  
謫仙不其然乎故為詩格高旨遠若在天上物外神仙  
會集雲行鶴駕想見飄然之狀視塵中屑屑米粒蟲睫

紛擾菌蠹羈絆蹂躪之比又嘗有知鑒客并州識郭汾陽於行伍間為免脫其刑責而獎重之後汾陽以功成官爵請贖翰林上許之因免誅其報也又嘗心許劔舞裴將軍子魯叔祖也嘗投書曰如白願出將軍門下其文高其氣雄世稀其本懼失其傳故傳叙之太和初文宗皇帝命翰林學士為三絕贊公之詩歌與裴集無此字將軍劔舞洎張旭長史草書於三絕夫天付上才必同靈氣賢侏相投龍虎兩合可為知者言非常人所知也夫

古以明德稱占其官諡者甚希前以詩稱者若謝吏部  
何水部陶彭澤鮑叅軍之類唐朝以詩稱若王江寧若  
宋考功韋蘇州王右丞杜員外之類以文稱者若陳拾  
遺蘇司業元容州蕭功曹韓吏部之類以德行稱者元  
魯山陽道州以直稱者魏文貞狄梁公以忠烈稱者顏  
魯公段太尉以武稱者李魏公英公以學行文翰稱者  
虞秘監唐之得人於斯為盛翰林其以詩稱之一也予  
嘗過當塗訪翰林舊宅又於浮屠寺化城之僧得翰林

自寫訪賀監不遇詩云東山無賀老却棹酒船迴味之  
不足重之為寶用獻知者又於歷陽郡得翰林與劉尊  
師書一紙思高筆逸又嘗遊上元蔣山寺見翰林讚誌  
公云水中之月了不可取刀齊尺量扇迷陳語文簡事  
備誠為作者附於此云會昌三年二月中敬自潞水草  
堂南遊江左過公墓下四過青山兩發塗口徘徊不忍  
去與前濮州鄆城縣尉李邵同以公服拜其墓問其墓  
左人畢元宥實備灑掃留絹集作綿帛具酒饌祭公知公

無孫有孫女二人一嫁

集作娶下同

劉勸一嫁陳雲皆農夫

也且曰二孫女不拜墓已五六年矣因告邑宰李君都

傑請免畢元宥力役俾專灑掃事嘻享名甚高後事何

薄謝公舊井新墓角落青山白雲共為蕭索巨竹拱墓

如公卓犖天長地久其名不朽此為祭文寫授元宥又

為碑曰

貴盡皆然名存則難故子

集作子

重名不重官作李翰林

碑十五字而已





文苑英華卷八百九十四